

اسلام محبوبی

شعاری : « دینی برہمیت ، عبادتی برودیدہ » ور .

— صانی ۱۵ : ۳۰ ذی الحجہ ۱۳۳۲
۶ : تشرین ثانی ۱۳۳۰
جلد ۲
مدیری : حلیم ثابت

اسلام مجموعه سی : ایسته چوق شکر، بوکون اللهك رحمتی اوزرمزده بولونیور. اسلام دنیاسی کفر عالنده قوبان فیراطنهك عکس تأثیریه دیریلکه باشلادی. کفر عالنده حصوله کلن صارعینتی مسلمانلق دنیاسنده متانت تأمین ایتدی. کفر عالنهك آریاشمه سی مسلمانلار برک ویردی. دنیانك هر طرفنده بولنان مسلمان ملتحر حرکت کلدی. هندستانده، مصرده، عجمستانده، کوردستانده قافقاسیاده بوتون مسلمانلر، اسلام وطنی کفرک بای استیلاسندن قورتارمق ایچون برله شیورلر. حضرت خلیفهك بویوک اردولری مسلمانلری دشمنک اسارتندن قورتارمق ایچون جنوبه، شاله دوغرو، رویور. شاله اسلام بین المیلتنک بویوک رکنی دیمک اولان تورکلک، جنوبده ایسه مسلمانلغک یوزده کی دیمک اولان عربلق و بوتون مسلمان ملتربأذنه تعالی کفار اسارتندن قورتاریله جتی. فرانسه، روس، انگلیز دشمنلری اسلام وطنلرندن قوغوله جتی. بولنلر هندستانده، تورکستانده، بخاراده، حیووده، آذربایجانده، ایرانده، یاقانلرده، توندده، جزایرده بغیرحق دیو کدکلی و دو کدیردکلی اسلام قاننک انتقامی آلینه جتی. بوتون سیاستلرنده اسلام دشمنلغی دستور اتخاذ ایدن بودشمنلرک تأدیسی حضرت خلیفه جه تصیم ایدلش؛ تورک، عرب، کورد، عجم... خلاصه مختلف اسلام ملت و قوملرندن متشکل اسم اردولری بالذات حضرت خلیفهك قومانداسی آلتنده طویلانیملردر. عصرلردنبری دوام ایدن ظاننک انتقامی آلوب اعلائی کلمه الله ایلمک اوزره بوکون مقدس اسلام قلنجی قینندن چیقاریلشدر. عصرلردنبری روس، انگلیز و فرانسلرک بیتمز و کمنز اعتسافلریله انحطاطه معروض قالان اسلام عالی اشالله یاقین برزمانده تکرار اسکی سطوتی قازانا جقدر. کره ارضک هر طرفنده کی بوتون اسلام ملتربا سارتدن خلاص بولوب مسلمان وطنلری دشمنلرک استیلاسندن قورتاریلا جقدور، اعلائی کلمه الله ایچون جهاد ایدن اولوردولریمز انشا الله دشمنلری تدمیر ایدهرک بویوک ظفرلره نائل اولورلر.. تورک، عرب، عجم و بوتون مسلمان قوملر هر نمرده اولورسه اولون اسلام اردولرینک ظفری ایچون دعا ایدوب اللرندن کلن یاردمی دریغ ایتیمیلیدرلر. کون بو کوندر، فرمتی تاجیرماقی انتضا ایدر. متفق دشمنلر ازیله لیدر. مذهب تفریق ایتیمکسزین بوتون اهل اسلامک، بوتون اهل قبلهك یکانه هدفی کلمه اللهك اعلائییه مسلمان قوملرک استخلاصی اولالیدر. بو مقدس جهاده اشتراک ایتک شرفته نائل اولان عربجاهد و بوجهاده مائه و معاً یاردمده بولنان هر مسلمان عدفتی بوضورتله تبیین ایدوب یتتی ده ینه بوضورتله تصحیح ایتیلیدر. حضرت الله یر یوزنده کی بوتون اسلامی توفیقات سبحانیه مظهر بویورسون، آمین.

اسلام مجموعه سی

قافقاسیه ده کی محارباتک تاریخچه سی

برایت هر برده شمردی به قدر

قرارگاه عمومیدن تبلیغ اولنمشدر:

قافقاسیه ده اجرا ایتمکده اولدیغمز حرکات کمال موفقیتله ختامه ایردکدن

صوکره مطبوعاته شانلی اردو مزك صوك هفته لر نظر قنده کی حرکات دلیرانه سی
 حقتده تفصیلات ویریله جك و اردو مز حقتده وقتسز معلومات اعطاسیله دشمنلری
 حرکات مزدن خبردار ایتمه مك ایچون اوزمانه قدر مفصل معلومات اعطاسندن اجتناب
 ایدیله جکدره. شندی به قدر شرق حدودنده کچن وقایع خلاصه شویله در:

«روسار، دونانماز حقتده اجرا سنه تصدی ایادکلری باصقینک برعینتی ده
 قره حدود مزده یا یحق ایتیه رك ۱۹ تشرین اولده اعلان حرب ایتمکسزین بش قول
 ایله قافقاسیه دن حدودی کچدیله. بویله بر حرکتیه انحق اوزون بر مدت اول
 تصمیم و احضار ایله مك شرطیه تصدی ایدیله بیله جکی شبهه سزدور. دشمن مزك
 اجرا ایلدیکی بو حرکتك ده اول حاضر لائش اولدیغی آشکاردر. حدود
 قطعانمز دشمنك بوتصمیم و قصدیه رغماً کندیله رینه ویرلش اولان اوامرو تعلیماتی
 مهارت و شجاعتله تطیق و ایفا ایلدیلر. اول دشمنه شدتلی ضربه لر اوره رق
 آغیر آغیر کیر و چکدیله و روسلره بر چوق تلفات ویردیله. بو صورته
 وقت قازانه رق کریده کی قطعانمزك ترتیبات لازمه نی آلمسنی تأمین ایتدیله. ایلری
 قطعانمزك متوالی مقاومتلری قارشوسنده دشمن بوتون قوتلریله طویلانه رق
 آنحق حدودی تجاوزدن دوت کون صوکره «قولباشی» ایله «کوبری کوی»
 جوارینه کله بیلیدی. «کوبری کوی» ده قازاق سواریلرینك بر تعرضی سواری
 فرقه لریمزدن بری طرفدن طرد ایلدی.

۲۳ و ۲۴ تشرین اولده دشمن، حرکاتی توقیف ایلدی و سپر قازمغه
 باشلادی. سواریمز یایا محاربیلریله دشمنك ایلریله سنه مانع اولدی. بوسره ده
 یتیشن قطعانمز دشمنه تعرض ایچون لازمکن ترتیباتی اتخاذ ایلدی.

۲۵ تشرین اولده قطعانمز تعرضه کچدی. دشمن «کوبری کوی» ك غریبنده
 احضار ایلدیکی قوتلی بر موضعه مقاومتیه باشلادی. تعرضمز ۲۶ تشرین اولده ده
 دوام ایتدی. ۲۶ تشرین اول اوکله دن صوکره شجیع عسکرلریمز دشمنك
 آوجی سپرلرینه کیردیله و دشمن موضعی اشغال ایتدیله. بو موضع دوت پیاده
 و بر طوبجی آلای ایله بر سواری فرقه سی طرفدن مدافعه ایدلمکده ایدی.
 بورادن چکیلن دشمن «کوبری کوی» جوارنده ده شدتلی دیگر بر موضع
 اشغال ایلدی. بوراده دشمنه قوای امدادیه کلکه باشلادی. ۲۷ تشرین اولده

بر روس فرقه سیله بتون برنجی قفقاس قول اردوسی قارشیمزده ایدی. دشمنك
موضعك جبهه سی (۱۵) کیلومتره امتدادنده و جنوبیه «آراس» نهرینه
شالده غایت صرب سلسله جباله مستند ایدی. بوتون موضع اوزونده تحکیمات
یابش اولدینی کی دشمنك صول جناحی کریسنده قوتلی براحتیاطی وارییدی.
۲۸ تشرین اولده قطعاتی تعرضه باشلامق ایچون لازم کلن حرکاتی اجرا و ۲۹
تشرین اول صبحی دشمن مواضعنه عمومی بر تعرضه ابتدار اولندی. قانی
بر محاربه دن صوکره اوکله به طوغری قطعاتی دشمن موضعك نقاط استادیه سندن
برنی تشکیل ایدن «کوپری کوی» ی سونکو هجومیه ضبط ایتدی. کیجه نك
حاولنده دشمن موضعك درنده اوچی ضبط ایدلش ایدی. کیجه الصوت نقطه
استاد اولان «کوپری کوی» شرقده کی ۱۹۰۵ راقلی تپه سونکو ایله ضبط
اولندی.

۳۰ تشرین اولده غلبه نتیجه یه واردی و بوتون دشمن موضعی ضبط اولوندی
بوتون بر روس قول اردوسی منهزماً فرار ایله دی. ییلماز و یورو لمار قطعاتی مزده
دشمنی تعقیبه باشلادی. دشمن قسم کلیتک بو هزیمتی اوزرینه «طورطوم»
و «قره کلیسا» اوکلرنده توقیف ایدلش اولان ضعیف دشمن قطعاتی ده طردی
محققدر. طاغلق و صیغ برار اضیده بش کون بلا انقطاع دوام ایدن محاربه یه رغماً قطعاتی مزك
احوال مغنویه سی فوق العاده اییدر. هنوز عددی تعین ایتمه مش اولان بر چوق اسیر
دشمنك احوال مغنویه سنده کی تزلزلی اثبات ایتکده در. اعتیادات قدیمه سنه اظهار
صداقتدن آریله میان روس حکومتك قافقاسیه ده کی محاربه لر حقنده یا کلس خبرلر
نشر و اشاعه ایلکده اولدینی حکومت مزجه معلومدر. حکومت عثمانیه و متفقلرینك
بوقیل تدابیر و تزلزلی ایتکده احتیاجلری یوقدر.

محترم سنوسی قارده شلرک مبراه مقدس و اشتراکلری. — آفریقانک بی پایان
چوللرنده کلمه اللیک اعلاسیله که نیش اسلام تشکیلاتی میدانه کتیروب عروسیله ایله وارلرلری
کوسترن سنوسی قارده شلر قارشولرنده کی ایتالیانی بیراقه رق اصل اسلامیت دشمنی اولان
انکلیزلره قارشو اعلان جهاد ایش : مصره دوغرو یورو مکده بولونمشلردر. آفریقانک
واسع چوللری نیل وادیسنه دوغرو آقان مجاهدلرک تکبیر صدائریله ولویه دار اولقده در.
ابدی دشمنلره قارشو دویقلری پایانس انتقام حبسیه ایلروله یق یوز بیکلرجه سنوسی
مجاهدلری انشاء یافین بر آئیده سوبش قتالی کچهرک قاهره یه داخل اولان حضرت

حلیفه نیک بیوک و خلاصکار اردولری ایله معافه ایدم جکدر . مأموردرکه امام محبی ،
امیر ابن رشید ، شیخ خزعل ، مبارک الصباح ، سید ادیس و سائر اسلام امراسی ده
شیخ سنوسی حضرتلرینک اثرینه افتقا ایله جهاد مقدسه اشتراک ایدرلر . بیوک ربین
محترم مجاهدلریمزى منصور و مظفر ایلسون .

مهراد مقمرسی و مزاحب معشری . — نجف اشرف و کربلا ده بولونان مذهب
جعفرینک بیوک و محترم مجاهدلری اسلام ملکترینی استیلا ایدن انگلیز ، فرانسوز و سولر قارشو
بوتون اهل اسلامک جهاد اعلان اتمه لری فرض بین اولدیغنه دا اثر فتوی ویرمشلر دره . بوندن بویله
یر یوزنده کی بوتون شیعیلرک ، بوتون جعفریلرک انگلیزلر . فرانسولر ، روسلر قارشو
دشمن نظریله باقمه لری دینی بر مجبوریت حائده دیمکدر . شو حاله کوره اسلام عالمک
بیوک بر رکنی تشکیل ایدن شیعیلک عالی بوتون مسلمان مللرک مشترک دشمنلرینه قارشو
دینا حال حربده بولونیورلر . دشمن انگلیزلرک تشویق بیه ظالم روسلرک ایرانده ، آذربایجانده
مردلو مقدساتی چیکه یه راک اسلامیتمی تعمیر ایتدکلرینی ، بیوک مسلمان عاللمرینی محترم
مجاهدلری آصوب کدکلرینی ، جامعلری مقدس تربهلری طویه طوبیقلرینی هیچ بر مسلمان
قولایلقه اونوده مر . مردار روس قانی دره لر کی آقیدلادیقه بولرک اتقانی ده آلمش
سایلمز ، آنکچون کرک ایران و آذربایجانده و کرک هندستانده بو مستولی دشمنلر
قارشو خصمانه بر وضعیت آلیبوب بولک یاقیند رسیمته انقلاب ایدم جکی محمقدر . بیوک
ربین بتون اهل اسلامک یاردیمچی اولسون و بیوک ظفرلر احسان ایلسون .
بوتون مسلمان قارده شلریمزى جهاد مقدس ایله قوطلارز .

اهمیت

(۳)

دین و اخلاق

نظر اسلامیه افکروه :

سماوی و غیر سماوی هر دین آز جوق اخلاقی دوشونمش ایسه ده هیچ
برسی دین جلیل اسلام قدار مهم بر اهمیت عطف ایتمه مشدر .
دین اسلامک تعالیم اخلاقیه سی قطعی و صریح اولدیغی کبی انسانلغک هر
تورلو سعادتى تأمین ایدم جک بر صورت کامله ده در .

دین مین اسلامده نه یهودیلرک دسیسه کار و خودکام اخلاقلری ، نه ده
خرستیانلغک حتم ذلیلانه و تحمل مسکینه سی واردر . [*] اسلامیت تکمل ایتمش
[] دین اسلام دین رجل و دین غروردر . بو کونکی مسلمان مکننتک اسلاملقه هیچ
بر علاقہ سی یوقدر .